

## Guijtz Ganid Lo Timoteu

### *Pabl rucuaa te guijtz lo Timoteu*

<sup>1</sup> Narä Pabl, nacä te apost xten Jesucrist, rucuaä guijtzre lojlu. Nacä apost sa'csi si'c gunibee Dios ni rusläa nuurnu lo dojl näjza Dad Jesucrist nani cholääznu.

<sup>2</sup> Timoteu, luj najclu si'cpac xinganä lo yälirililajz. Xtradnu Dios näjza Xtrad Jesucristnu gacnäjlu, gulaslajzreni luj, guscuedxireni lastoolu.

### *Pabl rulijdx xcuent reni rului diidx-xhii*

<sup>3</sup> Che sia'ä reguedx Macedonia, gunibeä jia'nlu guedx Éfeso te gulijdxlu gatii bejn te na'c guluiireni garenca diidx,

<sup>4</sup> te na'c jiutejreni rexcuent rebentiemp, te na'cza jiuduxhreni chu gujc rexpengoldooreni, sa'csi di rediidxre gacnäj guiroobru lastooreni si'c rustioob yälirililajz lastoonu. Naj rnibeä si'c chanuu gulijdxlu rebejn.

<sup>5</sup> Rulijdxnu bejn te ga'preni yälrinälajz sa'reni. Ganid nanab gacnaya lastooreni, nanab ga'preni xhigabsa'c, nanabza chalilajzpacreni.

<sup>6</sup> Yu'reni abar'o'n rediidxre, rieyjtis ro'reni saniduxhreni diidx ni xhet sajcdi.

<sup>7</sup> Rlajzreni gacreni bejn ni najn leii, niluxh niclaza laareni direni gacbee xhi säloj ni rniireni, niclaza xhi säloj rediidx ni ruluiireni, räjpreni, 'didxliipac dee'.

<sup>8</sup> Anajnnu leii xten Dios najc sacduxhni, palga jiennu si'cni rniipacni.

<sup>9</sup> Najnnu di leii gac par bensa'c, najcni par reni najc benlatsiaj ni di jiu leii xten Dios, najza reni di gusoob diidx; par reben guidx, najza rebendojl; par reni di jiu Dios, najza reni rusguee; par reni rugu't xtadni, xnanni, najza guiraa reni rugu't bejn;

<sup>10</sup> par reni resnäj te gunaa ni digac chäälreni, najza reni resnäj lagajc saniguiireni; par reni rbajn bejn; reni rnii didx-xhii; reni rnii didx-xhii si'c didxle' parsi rusguee sa'reni; najza bejn ni rujn xhitis xhi xtee dzuun ni digac dzunsa'c,

<sup>11</sup> nalajznu sa' redzunsa'c ni ruliidx xtidx Diosle', diidx ni ruslaa lo dojl. Narä biannää diidxre.

### *Rudeedni xquixtios lo Dios sa'csi rulaslajznini*

<sup>12</sup> Rdedä xquixtios lo Dad Jesucrist ni runiidx yälrnibee narä sa'csi najnni nasobdidxä, ni'cni guleni narä gunä xtzuunni.

<sup>13</sup> Luxh galoo guniyaäni, birinalä xpejnni, basacsiäreni. Niluxh Dios balaslajz narä, sa'csi dina niacbeä xhini'c cayunä, sa'csi gajdna chalilazä.

<sup>14</sup> Niluxh lacti guroob gujc yälracnä jte Xtadnu, guideb yälrlilajz, naj yälšanälajz ni rajp Jesucrist.

<sup>15</sup> Diidxre najc guliduxh, nanab chalilajz-pactuni: Jesucrist biääd lo guedxliujre te guslaani reben dojl; lo reben dojl narä nacäru bendolduxh.

<sup>16</sup> Ni'cni balaslajz Dios narä, mase nacä bendolduxh lo guiraareni, te ganid con narä guluiini xho rbäjz Jesucrist te chalilajz bejn xtiidxni, te filoj reni churu chalilajz xtiidxni te ga'preni yäl nabajn par tejpas.

17 Dios najc reii, reii ni di guet, reii ni di guzen, laatisni najc Gueb Dios ni nanduxh, ni'cni colguiliä'p xpala'nni, colgajnni guideb guibajntu näjza par tejpas. Si'c gacni.

18 Xi'nä, Timoteu, dee najc yäl\_rulijdx ni runidxä lojlu te gucuasa'clu si'c te soldaad ni abisieed, sigajc ni gunii reprofte't xcuentlu galoo.

19 Di gunijtlu yäl\_rililajz, bejnza xhigabsa'c, sa'csi yu'reni abar\_o'n xtidx Dios, ni'c abanijtreni yäl\_rililajz.

20 Si'c gusajc Himeneo näj Alejandro, luxh abatedäreni ladz\_ñaa beñdxab te guisieedreni na'c guiniya'reni Dios.

## 2

### *Ruluiini xho guiniabreni lo Dios*

1 Rulidxälu ganiddoo cueedxlu, guiniablu lo Dios, gudeedlu xquixtios lo Dios xcuent guiraa rebejn.

2 Guiniabzalu xcuent rereii näj guiraa reni rnibee lo guedxliujre, te gac guiban\_dxinu, te gac chanuunu xnez Dios, te saru guibaj\_nnu.

3 Sa' yäl\_rniabga najc laaca, luxh si'c rdxaglajz Dios ni rus\_ñaa nurnu lo dojl guiniabnu lojni.

4 Dios rlajz ñaa guiraa bejn lo dojl, rlajzzani gacbeepacreni xtidxliini.

5 Yu' tejtis Dios, näjza tejtisza nani rusiäj\_l diidx lo Dios näjza loj reben guedxliuj. Laani najc Jesucrist ni gujczya niguii.

6 Jesucrist gujt lo cruz te gudijxni redojl xten guiraanu ni tre' lo guedxliuj. Dee gujczy che gojl dxej ni gule Dios.

<sup>7</sup> Dios gule narä te gacä apost te gusule'ä xti-idxni, yälirilajz näjza didxlii lo reni di gac xpejn Israel. Si'c ni rlanj Jesucrist rniä didxlii, dina guiniä diidx ni rusguee.

<sup>8</sup> Ni'cni rlazä guiraatis lajt guiniab rebejn lo Dios, saru guiliäs ñaareni, gusaanreni yälrdxe'ch, na'c gunreni bieje.

<sup>9</sup> Si'cza regunaa, saru gacwreni xhajbreni, na'c gacreni gunaroxhi, cuedxireni. Xhet si'cdi regunaa ni entis rsiucheduxh con oor o perl o ladsajc, rajc guichniil yejcnı te guidxeloj bejnreni.

<sup>10</sup> Masru ruchaag gunreni si'cni rchalglajz Dios, si'c riäjł gun guiraa regunaa ni yu' lo Dios.

<sup>11</sup> Riäjł dxitis gucuadiajg regunaa xtidx Dios ni rusule' reniguii.

<sup>12</sup> Dina xcäbä gusule' te gunaa diidx lo guiraa rebejn, niclaza guinibeeni lo reniguii, dxitis cueni lo rebejn ni cagucuadiajg diidx nani cagusule'ni.

<sup>13</sup> Sa'csi ganid benchee Dios Adán, dxejctiru bencheeni Eva.

<sup>14</sup> Luxh et Adandi basguee beñdxab, beñdxab basguee gunaaga, dxejc biajbni neñ dojl.

<sup>15</sup> Niluxh silıaa regunaa, palga jiureni xtzuunreni si'c nan, palga chanuu chalilajzreni xtidx Dios, palga chanälajzreni sa'reni, palga chutisreni lo Dios, gaczareni gunasa'c cuedxireni.

### 3

#### *Xho riäjł gac reni rnıbee*

<sup>1</sup> Dee najc didx gulii: palga rlanj te niguii ga'p dzuun xten Dios, gusule'ni xtidx Dios, guinibeeni rebejn, te dzunsa'c najc ni rlanjni gunni.

<sup>2</sup> Ni'cni, ni rla<sup>j</sup>z gac nani rnibee, riä<sup>j</sup>l guiba<sup>n</sup>sa'cni te na'c chu xhicuent guiniya<sup>j</sup> rebej<sup>n</sup>ni. Riä<sup>j</sup>l gacni chää<sup>l</sup> tejtis gunaa, riä<sup>j</sup>l susi<sup>n</sup>ni, gacni te be<sup>n</sup>sa'c, cuedxini, te guiba<sup>n</sup>sa'cni. Riä<sup>j</sup>lza di gudxo<sup>j</sup>nni rolij<sup>n</sup>ni guidzuj<sup>n</sup> bej<sup>n</sup>, nägajc riä<sup>j</sup>l gacni te bej<sup>n</sup> ni nansa'c te gului<sup>n</sup>i.

<sup>3</sup> Na'c gacni te be<sup>n</sup>gu, nicla te ni rdxagdi<sup>j</sup>l bej<sup>n</sup>, na'cza gacni te nani rsia' laj<sup>n</sup>ni ga'pni xhida<sup>j</sup>l meel, riä<sup>j</sup>l cuedxi laj<sup>n</sup>ni, na'c chanälaj<sup>n</sup>ni meel.

<sup>4</sup> Riä<sup>j</sup>l guinibesa'cni rolij<sup>n</sup>ni, saru gunni te gu-soob rexi'nni xtiid<sup>n</sup>ni.

<sup>5</sup> Sa'csi palga di te bej<sup>n</sup> gan xho guinibeeni lagajc rolij<sup>n</sup>ni, aticaxh gac ga'pni guidoo xten Dios.

<sup>6</sup> Di riä<sup>j</sup>l guinibee te be<sup>n</sup>coob nani entis huililaj<sup>n</sup>, te di guschä'pni xpala'nni sas jiajbni lo lagajc xcäl<sup>n</sup>aj Dios ni biajb be<sup>n</sup>dxab.

<sup>7</sup> Luxh riä<sup>j</sup>lza guinii reni di chalilaj<sup>n</sup> xtid<sup>n</sup> Dios laaca najcni, te na'c jianxtuj<sup>n</sup>ni, te na'cza jiajbni ladz<sup>n</sup>aa be<sup>n</sup>dxab.

### *Xho riä<sup>j</sup>l gac reni rcanä<sup>j</sup> nen guidoo*

<sup>8</sup> Si'cza rediaconos riä<sup>j</sup>l gacreni bej<sup>n</sup> ni yu' xcäriejnreni, nanab gunreni si'cpac ni rniireni, na'cza soozreni, na'c xca'reni meel ni direni ni-unsac gaan.

<sup>9</sup> Riä<sup>j</sup>l gapdzu'tzni rediid<sup>n</sup> nagaj<sup>n</sup> xten yäl<sup>n</sup>rililaj<sup>n</sup>, ni'c nanab gac naya lastooreni.

<sup>10</sup> Riä<sup>j</sup>l fixgaatu xho nabaj<sup>n</sup>reni. Palga naba<sup>n</sup>sa'creni, rutza gacdi gucuaquijdireni, saj<sup>c</sup> gacreni diacono.

<sup>11</sup> Regunaa ni rla<sup>j</sup>z gac diaconas riä<sup>j</sup>lza chu xcäriejnreni, na'c güireni diid<sup>n</sup> ni di guchaag, na'c soozreni, gacreni gunasa'c, cuedxireni, gunreni si'cpac ni rniireni lo guira'ti dzuun.

<sup>12</sup> Riäjl gac rediacono chääl tejtis gunaa. Riäjl guinibesa'cni rexi'nni näj guiraa reni yu' rolijzni.

<sup>13</sup> Sa'csi rediaconos ni runsa'c xtzuumni, sanälajz bejnreni, dizareni guidxejb rsiudzu'tz lastooreni lo xcälrililajz xtidx Jesucrist.

### *Gurobduxh najc yälxhiga'tz xten Jesucrist*

<sup>14</sup> Cacuaä diidxre lojlu, niluxh rlazä jädhuigaä la'tu.

<sup>15</sup> Luxh palga gaclaä, anajnlu xho riäjl guibajn bejn rolijz Dios, nalajznu xquidoo Gueb Dios ni nabajn par tejpas. Guidoore rniadszu'tz näjza ruluiiru didxlii xten Dios.

<sup>16</sup> Rdxeloyaduxh guiralii bejn yälxhiga'tz xten xcälnajn Dios:

Dios biääd lo guedxliuj si'c te beñgedxliuj,

Sprit Dxiän xten Dios gunii beñdxanni;

bahuii rexangl Dios lojni;

basule'reni xtiidxni lo rebejn ni di gac xpejn Israel;

guira lajt huililajz bejn xtiidxni;

huäjsni lo xcälrdimbicha' Dios xhaguibaa.

## 4

### *Reni rbicaj lo xnezyuj Dios*

<sup>1</sup> Aguniipac Sprit Dxiän siääd redxej che chu reni guro'n yälrililajz, sucuadiajgreni xtidx rebejn ni rusguee näj xtidx rebeñdxab,

<sup>2</sup> nicla jiureni rniireni didx-xhii ni rusguee, sa'csi xhetiru xcäriejnreni, anajcni si'c najc cadro rudxujy te guiblaa: xhetru racbeedini.

<sup>3</sup> Suluii rebejnre na'c guchnaa bejn, suluiizareni na'c gau bejn guiraloj, niluxh Dios bejnpac redee

te xca' rebejn ni rililajz, ni racbeeza didxlii, te gudeedreni xquixtios lo Dios.

<sup>4</sup> Guiralii reni benchee Dios najc laaca, di riäj̄l cuälaznu xhi rca'nu che rudeednu xquixtios loj Dios.

<sup>5</sup> Sa'csi xtidx Dios näj yälrbedx-rniab lo Dios runsa'c guira'ti.

### *Te ni runsa'c xtzuun Jesucrist*

<sup>6</sup> Palga susnajlu lajz rebejtznu rediidxre, sajclu te mossa'c xten Jesucrist, luxh si'c sisieedruzalu diidx xten yälrlilajz, näj yälrluisa'c ni sanuulu.

<sup>7</sup> Na'c jiulu ni nnii regunaroyeii ni xheti xtzuunni. Bisieed sudzu'tz lastoolu lo xtidx Dios.

<sup>8</sup> Guxii sajc guinibduxh bejn te gusutijpni tiejxhni. Niluxh sacduxhru cucheeni xtidx Dios neñ lastooni, sa'csi racnäjni bejn lo yäl̄nabaj̄nre näjza lo yäl̄nabaj̄n ni najc par tejpas.

<sup>9</sup> Dee najc didxlii, riäj̄l chalilajz guiraatuni.

<sup>10</sup> Ni'c riennu dzuun, rdeednu trabajw, sa'csi cabäjznu Gueb Dios ni nabaj̄n, ni ruslaa bejn lo dojl̄, ganiddoo renani rililajz xtiidxni.

<sup>11</sup> Sajplu guinibeelu soob rediidxre, näjza guluiilu rediidxre.

<sup>12</sup> Di gusaanlu cuälazreni luj sa'csi najclu bi'n; riäj̄l gaclu te ni suu te fii guiraa reni rililazsa'cpac xho rniilu, xho nabaj̄nlu, xho sanälajzlu sa'lu, xho rililajzlu, näjza xho rajplu xhigabsa'c.

<sup>13</sup> Lal̄ ni guidzunä ro'c, bil̄ xtidx Dios lo rebejn, balijdxreni, baluiiza xtidx Dios lojreni.

<sup>14</sup> Di gusaanlu reyäl̄naj̄n ni baniidx Dios lojlu cheni basuj rebengool̄ naareni yejclu por xtidx Dios, guniireni diidx xcuent nani churu gac.

15 Guet-guejt basnaj lajzlu rediidxre, biusa'c rediidxre, te gac fii guiraareni xho sanuulu lo xtidx Dios.

16 Gopdzu'tz lagajc luj näjza rediidx ni ruluuilu; guzudzu'tz lo guiraa rediidxre, te si'c laalu lo dojl, te laaza reni rucua diajg xtiidxlu.

## 5

### *Xho guibañäjnü reni rilajz*

1 Na'c quidxa'lu loj te bengool; guninäjni si'c xtaclu, balijdx rebi'n si'c bejtzlu,

2 balijdx renanbengool si'c xnanlu, balijdx redxap steeb si'c rebisiajnlu con rexhigabsa'c.

3 Gucnäj rebiuud ni guliipac rquiin chu gacnäjreni te chu xhi gaureni.

4 Niluxh palga yu' chu biuud yu' xi'nni o xajgni, suguisiedxgaareni guibañ nayareni lo xnez Dios, te quiixreni di'n ni nasääbreni lo xtaclreni, näj xnanreni ni baslaareni, sa'csi ni'c najc laaca, rdxagljazza Diosni.

5 Gunaa ni najcpac biuud, abia'n xtebni, ni'c rbäjztisni lo Dios, dxej-yääl rbejdx-rniabni lo Dios.

6 Niluxh biuud ni nabajñ cadedgustisni najc si'c te ni agujt neñ dojl.

7 Basule' rediidxre lojreni te rut gucuaquijdi-reni.

8 Palga yu' chutej ni di gacnäj resa'ni, lagajc reni rbäjz rolijzni, ni'c agulälaz xtidx Dios, benguijdxru najcni lo rebejñ nani di chalilajz xtidx Dios.

9 Di gucuaalu laj rebiuud lo guiitz te gacnäjtuni palga gajdni chu gayojñ ijz. Riäjlza gac biuudga te gunaa ni gubañnäsa'c chäälni.



<sup>10</sup> Riäjlza gumbee bejn̄ni xcuent redzunsac ni rujnni; palga baslaani rexi'nni, palga badedlaani rolizni gues beñ zijt, palga gudiibni ni' rexpejn̄ Dios te si'c guzeñ xcäl̄nadolajzni, palga racnäjni reni rdejd trabajw, palgaza riuni rujnni guira'ti redzunsac.

<sup>11</sup> Niluxh na'c gucuaalu laj biuud ni yu' guxiiru ijz sa'csi che guichaglajzreni te niguii, siäl̄lajzreni diidx ni bia'nreni lo Jesucrist, te rlajzni guch̄nasacreni.

<sup>12</sup> Dxejc siu'reni neñ dojl̄ sa'csi rbälazreni rediidx ni bia'nreni che galoo bejn̄reni xhigab ninuureni lo xtzuun Dios.

<sup>13</sup> Dxejc sia' lojreni xhet gundireni, rijreni roliz bejn̄ ricuereni. Luxh malaii ni'ctis gunreni. Niluxh rliäszareni didxxhii, richu'reni lo xhitis, rniizareni diidx ni di guchaag guiniireni.

<sup>14</sup> Ni'cni rlazä rebiuud ni najc dxa'pru guch̄naareni stehuält, chu xi'nreni, fisa'creni rolizreni te na'c guiniyajreni rebejn̄ ni rdxe'ch lojnu.

<sup>15</sup> Sa'csi yu' gaii biuud ni alagubicaj lo xnez Dios sanajlreni beñdxab.

<sup>16</sup> Pal yu' tej resa'nu ni najc sa'ni te biuud, riäj̄l gacnäjnini, na'c gusaanni gutajl̄ni xtzuun guidoo, te si'c guidoo sajc gacnäj rebiuud ni rquiinpac chu gacnäjreni.

<sup>17</sup> Rebeñgool ni rnibesa'c guidoo, riäj̄l chanälajzrutureni näj gudeedrutu guiraa nani rquiinreni, si'c najc reni rusulesa'c xtidx Dios, rulidxsa'creni la'tu con xtidx Dios.

<sup>18</sup> Sa'csi lo xtidx Dios caj scree: “Na'c gusällu guijxh ro' gon che rusiani triuu”; si'cza caj stee

diidx: “Riäjł gax bejn ni rujn dzuun.”

<sup>19</sup> Na'c cucuadiajglu xtidx tej ni rucuaquij te beṅgool palga ruti tio'p, choṅ testiigw.

<sup>20</sup> Niluxh reni sanuu rujntis dojl, riäjł guli-jdxlureni nez loj reben guidoo, te nājza laareni guidxejbreni.

<sup>21</sup> Nez loj Dios, nez loj Dad Jesucrist, nez lojza reangl ni gule Dios, rulidxduxhälu chanuulu lo rediidxre, na'c jiurulu tej bejn lo sa'ni. Bejn tebloj loj guiraa rebejn.

<sup>22</sup> Na'c gusiojb lajzlu gusujlu ṅaalu yejc te bejn, te gacni beṅ guidoo palga gajdni guisieed guibaṅsa'cni lo xnez Dios sa'csi lagajc yejclu jiajb rextojłni. Gubicaj lo guiraa dołguijdx.

<sup>23</sup> Na'cru yälu ganax nis. Gu'za tudxe'n bin sa'csi racxhuu xque'lu, nājza sa'csi yu'ru rexcälracxhuulu.

<sup>24</sup> Yu' bejn ruzeṅgajc rextojłni ni'c rajcni casti-igw, niluxh yu' bejn ni di xtojłni guzeṅgajc.

<sup>25</sup> Sigajcsa redzunsac ni rujn bejn; yu'reni ruzeṅgajc, niluxh mase dini guzeṅgajc, digacdi jianxhiga'tzni, sidzujṅ dxej suzeṅni.

## 6

<sup>1</sup> Reni najc mos riäjł cuadiajgreni xtidx xlamreni, te na'c guiniyaj rebejn laj Dios niclaza xtidx Dios ni rusule'nu.

<sup>2</sup> Palga yu' remos ni najc xlamni te nani rililajz, na'c cuälazreni rextiidxni sa'csi najcni bejtzni lo xcälrililajz Jesucrist. Riäjł gūnsa'crureni xtzuunni, sa'csi najczeni sa'ni loj yälrililajz xten Dios, luxh sanälajzarenini. Rediidxre baluii, basule'.

*Yälṅabaṅsa'c nājza te lastoo ni rbedxi*

<sup>3</sup> Palga yu' chu ruluii garenca diidx, diidx ni digac didxsa'c, si'c najc xtidx Jesucrist, näjza xhet si'c diidxdi ni ruluii xho guibaṅsa'c bejn,

<sup>4</sup> bejṅga rlajz guiliä'p lagajc xpala'nni, niluxh xhet najndini. Si'c te yälguijdx yu'tis yejcn i yälguiniab diidx, yälrdildiidx. Luxh redee rujn rdxe'ch lajzreni, rujnni rdxe'ch bejn lo sa'ni, rujnni rniyaj bejn, rujnzani di bejn guinisa'c lo sa'ni.

<sup>5</sup> Rujnzani rdilṅāj bejn sa'ni. Guiraa redee gun bejn ni aguxhijṅ xcäriejnni, bejn ni diru ga'p didxlii. Rchaloreni sujnreni ganduxh xcuent rediidx ni ruluiireni. Gubicaj lo sa' bejnre.

<sup>6</sup> Niluxh yälṅabaṅsa'c näjza te lastoo ni rebedxi, redee sa'cduxh.

<sup>7</sup> Sa'csi xhet biopnädinu lo guedxliujre, luxh sigajcza xhet sajcdi chonānu che guetnu.

<sup>8</sup> Niluxh palga rajpnu xhi gaunu, xhi gajcwnu, con ni'c riälṅ guibalaaznu.

<sup>9</sup> Niluxh reni rlajz ga'p xhidalduxh meel, riajbreni lo xhigab guijdx, rujnzareni xhidajl dzuun ni xhet sajcdi, ni rujn daan, ni rusiääz bejn lo yälṅruxhiṅ, lo yälṅnitloj.

<sup>10</sup> Sa'csi yälṅinälajzni meel najc xlobaa guiraa redzunguijdx. Yu'za bejn ni rladuxh ga'pni meel, rusaanreni xcälṅrililajz Dios, dxejc lagajc laareni rujn rdedduxhrenei trabajw.

### *Dzun-huen xten yälṅrililajz*

<sup>11</sup> Niluxh luj, bejn xten Dios, baxu'ṅ lo guiraa dee, te chanuulu lo xcälṅxhigabsa'clu näjza yälṅabaṅsa'clu; te chanajllu yälṅrililajz näjza yälṅsanälajz; te chanuulu lo yälṅrbecdxi lajz näjza yälṅadolajz.

12 Benduxh dzuun xcuent yälirilajz Jesucrist, gunazdu'tz yäl nabajñ ni najc par tejpas. Ni'cni gurejdx Dioslu, luxh aguniilu rililajzlu xtidx Dios nez loj xhidajl bejñ, te anancheereni.

13 Naj rulidxälu nez loj Dios ni rudeed yäl nabajñ lo guiraa ni yu' lo guedxliujre, näjza nez loj Jesucrist, ni basule' xtiidxni nez lo Poncio Pila't,

14 rnibeä guzobsa'clu guiraa rediidx ni rniä lojlu, na'c guchaaluni, te na'c guiniyajreni luj naj niclaza cheni jääd Xtad Jesucristnu.

15 Sidzujñ dxejga nani agunii Dios guidzujñni. Dios ni najc le' sujn scree sa'csi laatisni najc Dios, najcni reii xten rerei, rnibeezani reni rnibee.

16 Laatisni dini guet, nabajñni lo bianij cadre rut rajcdi rbig. Nicla te bejñ gajd fii lojni, niclaza gac fiireni lojni. Xtebtis laani riäjł ga'p rebejñ xpala'nni. Laani rajp yäl rnibee par tejpas. Sugacni si'c.

17 Baliidx reni rajp xhidajl xhixtenni lo guedxliujre, na'c guschä'preni xpala'nreni, niclaza chanälajzreni xhixtentisreni. Huenru chanälajzreni Dios ni nabajñ, ni runiidx loonu guirali xhixtennu ni rquiinnu te guibalajznu.

18 Baliidxreni gunreni dzunsa'c, gundajnreni dzunsa'c, gacnäjreni reni xhet rajpdi, cuenäsa'creni sa'reni.

19 Si'c ga'preni yäl nasa'c ni guzudzu'tzreni che jääd Jesucrist, te guiniaztzu'tzreni yäl nabajñ par tejpas.

<sup>20</sup> Timoteu, cuanäj ni rniä lojlu. Na'c jiulu didxguijdx ni yu' lo guedxliujre, niclaza didx-xhii, niclaza rediidx ni rusguee, ni rbälajreni 'yälñajn'.

<sup>21</sup> Sa'csi yu' reni sanuu yälñajnre ni'c banijtreni lo Dios xcuent yälñirilajz. Gacnäj Dios luj. Sugacni si'c.

**Xtidxcoob Dios ni biädinä dad Jesucrist**  
**New Testament in Zapotec, Mitla (MX:zaw:Zapotec,**  
**Mitla)**

copyright © 2006 Wycliffe Bible Translators, Inc.

Language: Zapotec, Mitla

Translation by: Wycliffe Bible Translators, Inc.

Zapoteco, Mitla [zaw], Mexico

**Copyright Information**

© 2006, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Zapotec, Mitla

© 2006, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022

5cff1274-8dc3-5398-a94d-f6033bb363c9